

Broj: 02-1731-2 /24

Datum: 05.11.2024.

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH", broj 35/04), člana 69. Stav (2) tačka d) te člana 70. Stav (4) Zakona o javnim nabavkama ("Službeni glasnik BiH", br. 39/14, 59/22 i 50/24), člana 8. Stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", br. 103/14 i 49/23) i člana 25. Statuta Nezavisnog operatora sistema u Bosni i Hercegovini ("Službeni glasnik BiH", br. 89/16, 84/18 i 34/23), a na preporuku Komisije za nabavku iz Zapisnika o ocjeni ponuda za "Nabavka usluge analiza sigurnosti procesa operativnog rada prijenosnog sistema BiH u interkonektivnoj mreži "Kontinentalna Evropa" broj: T-NOSBIH-O-14/24, generalni direktor donosi:

ODLUKU O PONIŠTENJU OTVORENOG POSTUPKA JAVNE NABAVKE

Član 1.

Prihvata se preporuka Komisije za nabavke iz Zapisnika o ocjeni ponuda za "Nabavka usluge analiza sigurnosti procesa operativnog rada prijenosnog sistema BiH u interkonektivnoj mreži "Kontinentalna Evropa" broj: T-NOSBIH-O-14/24, te se usvaja Odluka o poništenju otvorenog postupka javne nabavke za "Nabavka usluge analiza sigurnosti procesa operativnog rada prijenosnog sistema BiH u interkonektivnoj mreži "Kontinentalna Evropa" broj: T-NOSBIH-O-14/24 iz razloga što nijedna od primljenih ponuda nije prihvatljiva.

Član 2.

Ova Odluka će se objaviti na web stranici NOSBIH-a u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

Član 3.

Ova Odluka stupa na snagu danom donošenja.

Obrazloženje

Na portalu javnih nabavki objavljeno je Obavještenje o nabavci broj 1253-1-2-28-3-61/24 za "Nabavka usluge analiza sigurnosti procesa operativnog rada prijenosnog sistema BiH u interkonektivnoj mreži "Kontinentalna Evropa" broj: T-NOSBIH-O-14/24, te je sažetak Obavještenja o nabavci objavljen u "Službenom glasniku BiH" broj: 69/24 od 11.10.2024. godine. Krajnji rok za prijem ponuda bio je 28.10.2024. godine do 10.00 sati.

U skladu sa tenderskom dokumentacijom, Zapisnikom o otvaranju ponuda i Zapisnikom o zaprimanju ponuda od 28.10.2024. godine, konstatovano je da su do krajnjeg roka za prijem ponuda blagovremeno dostavljene dvije (2) ponude. Otvaranje ponuda je vršeno prema redoslijedu po kojem su ponude dostavljene:

- Ponuda ponuđača Centar za koordinaciju sigurnosti SCC d.o.o. Beograd.
- Ponuda ponuđača Centar za projektovanje i konsalting "CPK" d.o.o. Banja Luka.

Nakon izvršene provjere svih dostavljenih ponuda u smislu ispunjenosti kvalifikacijskih uslova ponuđača iz predmetne Tenderske dokumentacije iz tačaka 10. i 11., provjere dostavljenih obrazaca, izjava, Nacrta Ugovora te zahtjeva iz tehničke specifikacije, utvrđeno je sljedeće:

Ponuđač CPK d.o.o. Banja Luka je ispunio uslove iz tačke 10. tenderske dokumentacije. Ponuđač CPK d.o.o. Banja Luka je dostavio Aktuelni izvod iz sudskog registra. U dostavljenom registru su navedene djelatnosti koje ovaj ponuđač ovlašten obavljati. Profesionalna djelatnost koja je predmet ove nabavke nije navedena u dostavljenom registru iz čega proizilazi da ovaj ponuđač nije ovlašten za obavljanje profesionalne djelatnosti koja je u vezi s predmetom nabavke. Imajući u vidu navedeno, ponuđač CPK d.o.o. Banja Luka nije dostavio adekvatan dokaz o ispunjavanju uslova iz tačke 11.1 tenderske dokumentacije.

Pored toga, u Tehničkoj specifikaciji Tenderske dokumentacije za ovu nabavku predviđene su sljedeće usluge:

"1. Validacija, korekcija i spajanje objedinjenog mrežnog modela (CGM):

1.1 Validacija pojedinačnih mrežnih modela dostavljenih od strane Korisnika usluga za vremenski period dan unaprijed i na unutar dnevnom nivou,

1.2 Korekcija pojedinačnih mrežnih modela Korisnika usluga na vremenskom periodu dan unaprijed,

1.3 Spajanje pojedinačnih mrežnih modela Korisnika usluga sa pojedinačnim mrežnim modelima ostalih operatora prijenosnih sistema u interkonekciji Kontinentalna Evropa i formiranje objedinjenog mrežnog modela za interkonekciju Kontinentalna Evropa za vremenske periode dan unaprijed i na unutar dnevnom nivou,

1.4 Usaglašavanje objedinjenog mrežnog modela sa stanovišta totala razmjena;

2. Koordinisani proračun sigurnosti elektroenergetskog sistema (CSA),

2.1 Izvršavanje analize sigurnosti na objedinjenim mrežnim modelima za interkonekciju Kontinentalna Evropa za vremenske periode dan unaprijed i na unutar dnevnom nivou,

2.2 Izrada mjesečnih i godišnjih statističkih izveštaja o ugoženosti elemenata elektroenergetskog sistema,

2.3 Proračun faktora uticaja za određivanje zone opservabilnosti i liste eksternih elemenata u analizama sigurnosti na objedinjenim mrežnim modelima;

3. Koordinisani proračun prekograničnih prijenosnih kapaciteta za vremenski period dan unaprijed (CCC),

4. Prognoza kratkoročne adekvatnosti elektroenergetskog sistema (STA),

5. Koordinisanje planova isključenja elemenata elektroenergetskog sistema (OPC),

5.1 Proračun faktora uticaja za određivanje liste relevantnih elemenata u procesu koordinisanog planiranja isključenja;

6. Provjera konzistentnosti planova odbrane elektroenergetskog sistema (NCER),

7. Sprovođenje procedure za kritične situacije u mreži (CGS),

8. Tehnička podrška za OPDE servise,

9. Analiza i izveštavanje o regionalnim incidentima (RIAR) i

10. Obuka i trening zaposlenih NOSBiH-a"

Za ispunjenje navedenih usluga potrebno je imati pristup ENTSO-E OPDE platformi (okruženje za podatke operativnog planiranja). OPDE platformi pristup imaju samo Europski operatori prijenosnih sustava i registrirani centri za koordinaciju sigurnosti. Podatci na OPDE platformi su klasificirani kao tajni, a sam pristup OPDE platformi je definiran OPDE Security planom. Audit kojim se potvrđuje ispunjavanje zahtjeva OPDE Security Plana provodi se svake godine. Rezultati Audita se dostavljaju ENTSO-E (European Network of Transmission System Operators for Electricity) na provjeru. Kompanijama koje nemaju zadovoljavajuće rezultate Audita zabranjuje se pristup OPDE platformi. S obzirom da ponuđač CPK d.o.o. Banja Luka nema pristup OPDE platformi, isti ne može izvršiti uslugu za koju je dostavio ponudu.

Ponuđač CPK d.o.o. Banja Luka je dostavio tražene izjave i obrasce. Ponuda ponuđača CPK d.o.o. Banja Luka sadrži i nacrt ugovora u kojem nisu popunjeni podaci o dobavljaču, njegovoj adresi, registraciji, ID broju, PDV broju i Žiro računu.

Ponuđač CPK d.o.o. Banja Luka nije zadovoljio kvalifikacioni uslov iz tačke 11.1 tenderske dokumentacije, Zahtjeve iz Tehničke specifikacije te je dostavio nacrt Ugovora u ovoj ponudi koji je nepotpun. S obzirom na navedeno ponuda ponuđača CPK d.o.o. Banja Luka se odbacuje u smislu člana 68. Stav (4) tačka i) Zakona o javnim nabavkama ("Službeni glasnik BiH", br. 39/14, 59/22 i 50/24) jer nije potpuna i ne ispunjava zahtjeve iz tenderske dokumentacije.

Ponuđač SCC d.o.o. Beograd je zadovoljio kvalifikacione uslove iz tačaka 10. i 11. tenderske dokumentacije. Ovaj ponuđač je uredno dostavio tražene obrasce, izjave i Nacrt Ugovora te je ispunio zahtjeve iz tehničke specifikacije.

Procijenjena vrijednost predmetne nabavke iznosi 364.000,00 KM bez PDV-a.

U skladu sa Zapisnikom o otvaranju ponuda i Zapisnikom o zaprimanju ponuda od 28.10.2024. godine, utvrđeno je da je ponuđač SCC d.o.o. Beograd dostavio ponudu u iznosu od 360.000,00 EUR.

Ponuda ponuđača SCC d.o.o. Beograd je neprihvatljiva iz razloga što cijena ove ponude prelazi planirana, odnosno obezbijeđena novčana sredstva ugovornog organa za nabavku.

U otvorenom postupku za nabavku iz člana 1. ove Odluke, utvrđeno je da nijedna od primljenih ponuda nije prihvatljiva. Uzimajući u obzir navedeno odlučeno je kao u članu 1. ove Odluke.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 10 dana po prijemu Odluke.

Generalni direktor
dr Nemanja Pandurević



Dostaviti:

- Ponuđaču SCC d.o.o. Beograd
- Ponuđaču CPK d.o.o. Banja Luka
- Sektoru za ekonomske poslove
- Sektoru za pravne poslove
- a/a